

DISSERTATIO JURIS FEVDALIS
DE

FEVDI

ET

JURIS FEVDALIS
DEFINITIONE ESSENTIA
ATQVE ORIGINE

QVAM

PRÆSIDE

GOTTLIEB STVRMIO

PHIL. ET J. V. D.

VITEMBERGAE IN AVDITORIO JCTORVM

HORIS CONSUVETIS

d. XXVII Octbr. clbcccxxxiv

DEFENDET

JOANNES CHRISTIAN. HOEBLER,

HEBVRGENSIS.

VITEMBERGAE
LITERIS SCHLOMACHIANIS.





DISSERTATIO I.
DE FEVDI ET IVRIS FEVDALIS DEFINITIONE
ESSENTIA ATQVE ORIGINE.

§. 1.



Feudum, si rem spectas, triplici potissimum sensu occurrit, vel 1) rem in feudum datam significat, 2) vel pactum de feudo concedendo, quod vulgo contractum feudalem nominant 3) vel jus, quod in re feudali vel domino vel Vasallo competit 4)

Primus sensus occurrit 1. F. 4. 2. F. 1. §. Sciendum & passim.

- a) Plures significationes exhibet B. G. Struvius in *Jurisprud. feud. cap. 2. §. 1.* scilicet, quod etiam sumatur pro salario & stipendio, qui significatus tamen plane convenit cum significato in spha. num. 1. recensito. Item pro officio v. g. feudum magis sigilli, Mareschalli &c.

sim. In hoc sensu feudum est res immobilis vel quæ pro immobili habetur, cujus dominium utile dominus, retento dominio directo, Vasallo, sub lege fidelitatis, concessit. In sensu secundo vocabulum feudi notum est ex 1. p. 28. 2. F. 20. C. & est pactum legitimum vi cuius rei immobilis, vel quæ pro tali habetur, dominium utile, sub lege fidelitatis Vasallo a domino, retento dominio directo, conceditur. In sensu tertio legitur 2. F. 34. §. 1. C. &que ratione domini est dominium directum in re immobili, vel quæ pro tali habetur, retentum, cum dominium utile sub lege fidelitatis in Vasallum transferretur, ut omnis fidelitas exinde præstetur. Ratione Vasalli vero est dominium utile in re immobili vel simili per investituram Vasallo sub lege fidelitatis a Domino concessum. 6)

§. II.

4) Quodli variu significatus ita enodantur atque definiuntur separation, omnes disparent dubitationes, quas sibi & aliis mover laudatus Stravins cit. l. §. 2. nec ipsius Stravins definitioni admodum arridet & quidem sequentibus ex rationibus 1) quia a Domino superiori feudum deferri assignat, com tamen & ab æquali & ab inferiori possit assignari, nexus feudalis conditionem Vasalli deteriozem reddat. Reverentia enim domino debita non involvit subjectionem, quam superioribus debemus 2) dissident verba: *jure hereditario concessum*, quippe quæ assertio in liberis quidem vera est, neutiquam vero in liberis multante investitis 3) verba non adequata sunt sequentia: *de eadem non nisi domini consensu disponat*, nam libere transigit Vasallus, libere servitutem imponit, &c. 4) nimis generalia sunt, *quod libere eadem re feudali utatur*, tum ta-

§. II.

Feudum, si nomen consideres, a variis varie derivatur, alia a fide, alii a feda, quæ inimicitiam indicat, alii a fuden, quasi füttern/ imo etiam alii a foedere, deducunt, vid. *Ludwig. de Jur. Clientel. c. 2. §. 5.* Sed cum re & genio linguæ Germanicæ, imo cum scriptura antiqua convenit a plerisque hodie laudata derivatio, quod a Germanico fee & od sit deducendum, quam approbat *Schilt. in Comm. J. F. A. §. 7. ad rubr.* semper enim ab antiquis Feodum scribebatur. Fee enim non solum rem pecuariam sed & mercedem seu stipendium significat, Od vero possessionem adeo, ut feudum sit possessio stipendiaria c).

A 2

§. III.

men certo certius sit, Vassallo ita re uti debere, ne aliquod detrimentum capiat alicujus momenti y) servitia tanquam essentialia requirat in definitione feudi cum tamen feuda quam plurima sint, quæ nulla servitia requirant 6) in tota definitione essentialia a naturalibus neque sunt distincta neque satis clare determinata.

- c) An vero ab Od vel Ot vocabulum Edelmann sit derivandum sicuti *Etcard in not. ad leges Saticas tit. 14. §. 1.* ad verbum *Arubania*, vult, dubito, nec necessitas hanc derivationem urget, quia vox Edel æque germanica est ac Od, & si ab Edel derivamus, magis cum re convenit, quam si derivamus ab Od. omnes enim possidens bona est quidem ein Edmann h. e. begüeter Mann sed non statim ein Edelmann i. e. nobilis.

§. III.

Ad feudorum essentiam igitur requiritur 1) ut dominium directum & utile sit distinctum, quorum illud apud Dominum remansit, hoc ad Vassallum translatum sit, 2) ut fidelitas *d*) exinde præstetur 3) ut adsit res immobilis, vel quæ pro tali habetur *e*) (§. 1.

§. IV.

Habent feuda etiam sua naturalia, quæ ejusmodi feudorum attributa sunt, quæ adesse regulariter præsumuntur, per pacta tamen adjecta immutari possunt. Formavit ea, ut *verbis utar Coccej*, illustrium ac generosarum familiarum ratio, ad eas enim & conservandas & reipublicæ devinciendas pertinet, ut feuda sint masculina, alienari sine consensu domini & agnatorum prohibita, ut præstetur juramentum &c.

§. V.

d) h. e. ut observetur obligatio feudalis seu quæ promissa sunt in primo feudali pacto.

e) requirunt alii, ut sit beneficium *Coccej*, in *Hypom. jur. F. tit. 1. §. 5. Fin. ex lib. disp. 1. §. 1. commoti ex 1. F. 13. Sed beneficium non est feudi essentiale, sed ejus nomen, noluerunt scil. Antiquiores vocem feudi Germanicam in artem inferre, hinc voce beneficii usi sunt uti apparet ex tot locis *Ant. Ver. de beneficiis*, & si hæc observantur, quam plurimæ triæ evitari possunt, quæ a Dd. exinde deducuntur *vid. Fin. ex lib. in l. 5. Langgus ad c. 1. Coccej*.*

§. V.

Conspiciuntur etiam in feudis accidentalia; quæ per pacta adduntur *f*). Si ejusmodi accidentalia, naturalibus aliquid detrahunt, fiunt feuda impropria, sin autem præter naturalia aliquid addunt feuda manent propria.

§. VI.

Hæc quidem naturalia æque ac accidentalia feudum non statim & simul accepit, sed sensim variis fuit auctum, & plura prout usus exigebat, accessere. Imo plura iterum hodie immutata videntur, quæ olim necessaria credebantur, de quibus in seqq.

§. VII.

Feudis occasionem dedit penuria æris apud Germanos; nam non habebant, unde stipendia proceribus aliisque, qui in reipublicæ commodum vigilabant, darent, hinc illis, de terris quibusdam, sub lege fidelitatis, dominium utile concesserunt. Olim enim ante reges constitutos diu nemo certam sedem aut agri partem propriam

A 3

am

D Pro accidentalibus etiam ea habentur a nonnullis, quæ tacite insunt, *vid. Cacerj. tit. 2. §. 8. v. g.* quod feudum Guardie atque Gastaldie post annum revocari possit. *F. 11.* Item in feudo a femina primitus acquisito, successio feminarum præsumatur; sed perperam, quicquid enim tacite insit, ad naturalia potius quam accidentalia referendum *add. Beyer delineat. J. F. c. 1. pof. 15. seqq.*

am habebat, sed quantum a superioribus accipiebat, per annum fruebatur. *Cef. de B. G. l. 6. t. 22. Tac. de M. G. c. 26.* Interim ramen spe prædæ & ex odio pacis, qui libet lubens in bella atque prælia ibat, atque pro se suosque fortiter pugnabat *Tac. de M. G. c. 14. in f.* Deinde proprietate introducta nota erat Terra Salica g) atque

g) Acriter sitis disputatur inter Dd. unde hæc terra nomen acceperit, *Coccei. in prud. J. P. C. 3. § 90. C. c. 15. § 9.* derivat a germanico verbo Saal, quod idem ac Palatium significat, adeo ut Salii proceres sint, qui in conventu publico apud Francos conspicui fuerint. *Rubard. in d. ff. de Francorum Saliorum & Salicorum origine atque differentia* derivat Saalicum ut *Coccej.* a Saal seu Palatio. Sallium vero a Martis Sacerdotibus qui ob velocitatem & crebris saltationibus Salii dicebantur, & hoc nomen putat ideo Francis attributum fuisse, ob eorum armaturam levem eorumque velocitatem. *Heriari in notis. regn. Franc. P. 1. c. 1. §. 10.* derivat a Fluvio Saala, qui nunc Hala vocatur. *Eccard in not. ad Leg. Salic. derivat in prælog. seu præfat.* a pago Salagheve qui situs fuit inter Saalam Franconicum & Moenum. *B. G. Struv.* in tractatu de *allod. Imper.* c. 1. §. 1. not. 5. distinguit inter tempora diversa putatque primis temporibus Saalicos esse eosdem cum Franciscis, postquam autem Franci sibi Galliam subjecissent, privatio, quam habet in *H. Historia Germ. l. 6. c. 58. not. 2.* qui dicit, quod Saal idem sit ac locus aquosus multisque paludibus abundans, & probat id de provincia, quæ in transalano districtu sita est, & Salandia vocatur, a paludibus istis, quæ ibi reperiuntur, nam hic locus etiam congruit cum sede antiqua Francorum, qui antequam in Gal-

que privata hereditas, illa erat terra immobilis, allodialis tamen ^{b)} quæ tam noviter acquisita ^{c)} quam Aviatica bona

liam irrumperent, Sicaubriam inhabitarent. Hinc, qui ad ripam Rheni atque sinus Austrini habitaverunt, Ripuarii procul dubio nominati fuerunt, qui vero versus paludes, Saalii.

- b) Dissentit *Coecejus in Hypom. J. F. Nr. 1. §. 2.* putatque proceres Germanorum tuendæ dignitatis vel officii causa a republica terras salicas habuisse, sed hæc convelluntur ex loco Tac. atque Cæsaris in §. cit. ex quibus apparet, quod antiquis temporibus ob prædam belli sudores subierint, hinc probabile non est, ut pro remuneratione terras acceperint. *add. Thomaf. in Sel. cap. bist. J. F. §. 4. usque 31.* Non tamen plane alienus sum à B. J. *Struvio in Inst. de allod. Imp. c. 1. §. 8.* qui statuit, quod terra Salica ad hæc erit coronæ, olim enim, uti patet ex loco *Cæs. in §. cit.* omnia bona totius provinciæ fuerunt coronæ, & ex libera superioris dispositione dependebant, sed in hoc a Struvio divortium facio dum putat de Domaniis bene merito terram Salicam fuisse concessam, cum ex laudatis autoribus appareat, quod terræ datæ sint ad sustentationem subditorum sine distinctione, nec non, quod majores nostri ex cupiditate pugnandi prædam occupandi, laudemque inde hauriendi discrimina belli subierint. Deinde rerum dominio introducto procul dubio resignavit quilibet, quod in ultima divisione accepit de immobilibus, & exinde terra Salica originem traxit, accedit, quod quicquid in *legibus Salicis tit. 62.* Salica terra vocatur, in Ripuariorum legibus, *tit. 56.* alio devocetur imo connumeretur in *tit. tit. L. Salicæ* inter allodia.

- c) Nec in hac thesi mecum consentit *Coecej tit. 1. &* quidem hæc ex ratione, quia terra Salica aviatica & avita vo-

bona comprehendebat, solique masculi successionis capaces habebantur, & iis extinctis feminae demum admittabantur ^{k)} Hæc vero, scil. privata hereditas, consistebat in rebus mobilibus cum feminis dividendis ^{l)} Alia bona, ante Reges constitutos, cognita non erant

§. VIII.

catur in *Ll. Ripuario* *um c. i. §. 6. pr. it. Stannus Güter*. Hoc enim nomen habebant a successionem, quia scilicet in iis saltim succedebant masculi, qui stirpem propagabant. Notum scil. est, quod antiquioribus temporibus, imprimis in Germania, filii excluderent feminas a successionem immobilium, quod & *Thomaf. adprobat in c. l.* Quod autem vel *Avita* vel *Aviatica* nominaretur procul dubio exinde provenit, quod a potiori denominatio defumeretur. Certo enim certius, est, quod rerum dominio introducto, majores tenaces fuerint in possessionibus adquisitis. In hoc tamen plane a *Thomasio* discedo, qui *c. l. §. 15.* loco terræ aviaticæ legit *Aduaticæ* vel *Auaticæ* atque derivat hanc denominationem, a Metropoli Ripuariorum. Hoc enim unicum ad retundendam hanc opinionem sufficit, quod in omnibus diplomatis *Aviaticæ* nomen legatur, imo & *Haviaticæ* vel *Habitiaticæ* add. *Diploma Conradi I. apud Eccard. in add. ad Ll. Salicas p. 202.*

^{k)} Putat equidem *Coccej. c. l. §. 3.* quod alii populi germani feminas perpetuo, alii vero donec masculus existeret, excluderint, commotus à *L. Salica tit. 62. & L. Ripuar. tit. 56.* Sed quia hæc leges unius populi sunt, scil. Francorum, ergo etiam una lex ex altera est explicanda, & unius positio scil. successionis masculinorum, non statim est exclusio alterius, scil. successionis subsidiariæ femininarum add. *Thomaf. c. l. §. 17. §. 20.*

^{l)} Negat *Thomafius* successionem rerum mobilium in *Hip.*

§. VIII.

Regibus deinde electis *m*) officia honoraria militaria,
B æque

I. F. §. 6. quia Franci suppellectilis luxuria exulaverint, & quæ ex rebus mobilibus adfuerint, in agriculturam ac pecuarius usum convertenda fuerint & pro accessoriis prædiorum habenda. Sed nihilominus placet opinio Cocceji, qui privatam hereditatem a terra Salica distinguit. Nam si vel maxime concedamus, quod LL. Salicæ a Francis transrhenanis sint conditæ, qui in maxima paupertate vivebant, habuerunt tamen, quæ ad victum atque amicum pertinebant, quæ partes sunt privatæ hereditatis ad feminas transeuntis. Interim tamen eorum opinio longe probabilior est, qui LL. Salicas adscribunt Francis cis Rhenanis, ex mente Romanorum ita dictis, qui more Romanorum varia suppellectile abundabant. Imo sæpius citatæ LL. Salicæ & Ripuar. successionem feminarum in mobiles adprobant. *B. G. Struvius in Ip. F. c. 1. §. 7.* privatam hereditatem Leode vocat, germanice die Salths niß.

m) Ubinam primi Reges Francorum sint electi, satis dubium redditur ab obscura Historicorum recensione. *Gregorius Turonensis l. 1. c. 9.* dicit, quod Franci litora Rhæni amnis incoluerint, deinde transacto Rheno Thuringiam transiiverint ibique juxta pagos & civitates Reges crinitos super se creaverint, addit quoque quod Chlogio Francorum Rex apud Dispargum castrum habitaverit, quod in termino Thuringorum sit, quem locum *Eccard in LL. Salicis* & quidem in *prologo* ad verba *Saligheve* sequentem in modum explicat, quod Thuringia sit nostra hodiernum nota, Dispargum vero sit die Diesburg scil. mons in Hennebergia situs, quæ opinio nec displicere

æque ac judiciaria desiderabantur, ⁿ) quæ gratis non facile haberi poterant, hinc de stipendio erat cogitandum, in paupertate autem ista Germanorum, Salarium in pecunia non poterat præstari, hinc in remunerationem officiorum dabatur dominium utile cujusdam terræ sub lege fidelitatis. Habemus igitur Francos pro primis feudorum inventoribus, quam nostram opinionem late defendit & probat *B. G. Struvs. in Juris. F. c. 1. §. 4. & Thomasius in dissert. de orig. Feud. §. 3. sqq. it. in Sel. cap. H. F. §. 34. sqq.*

§. IX.

A d Francorum imitationem aliæ gentes Germanorum

videtur *Leitnizto in Orig. Franc.* confirmatur hæc opinio ab *Aimoino 1. de gestis Franc. c. 4. & 5.* ubi dicit quod Clodio castrum Dispargum inhabitaverit, & ab eo trans Rhenum exploratores miserit, cum exercitu subsecutus sit, atque Cameracum civitatem expugnaverit. Sed quia *Aimoinus* 1) est scriptor seculi IX. omniaque sua *Gregorio Turenensi* debet, hinc quatenus ab eo dissentit, ei credendum non est, 2) Rhenus transigendus non erat, si germanus in Thuringiam tenderet 3) recenset pagos atque civitates, quæ tunc temporis in Germania magna vix nota eant, addit 4) quod meridiionalem plagam inhabitaverint Romani usque ad Ligerim, quæ omnia ad Thuringiam nostram applicari non possunt & 5) si Dispargum Hennebergicum sit intelligendum non statim Cameracum potuisset invadi. Hinc si omnia conferimus, facillime calculum illis addimus, qui loco Thuriagiæ, Tongriam, in Gallia Belgica sitam, intelligunt.

ⁿ) Ob hanc triplicem finem Feuda sunt constituta, neutriquam vero unice militiæ causâ. 2. F. §. & 6.

rum Feuda constituerunt, de Longobardis res in aprico est, de Gothis vero Alemannis & Burgundionibus non æque, licet id ostendere conetur *B. G. Struvius Jurispr. F. c. 1. §. 5.*

§. X.

Nimis generaliter igitur Germani pro Feudorum inventoribus a nonnullis ventitantur, sub hoc enim nomine quamplurimæ gentes comprehendebantur, igitur speciales auctores dedimus (§. 8.) Negari tamen non potest quod sint Feudorum propagatores (§. 9) ubicunque enim Germani *) sedes olim fixere ibi etiam feuda reperiuntur v. g. in Gallia Anglia, Italia, Belgio.

§. XI.

Hinc voces atque formulæ feudales sunt germanicæ & si de earum derivatione contenditur origo Germanica vel Longobardica est accipienda (§. 2. & 10.) *Cocc. hpp. F. tit. 1. §. 5.*

§. XII.

Ex hætenus demonstratis apparet quam longe a vero absint qui feuda deducunt 1) a confusione Babylonica *vid. Niel disp. F. 1 §. 1. & Stryck. Exam. J. F. c. 1. qu. 3.* vel 2) a Soldaniis Gallorum de quibus *Cass. B. G. L. 3. c. 22.* vel 3) a Timariotis Turcarum, prædium quidam Turcis ha-

B 2

*) Hæc non contradicunt §. præc. Nam de Francis & Longobardis certum est quod feuda habuerint, Galliam autem Belgiumque occuparunt Franci, Italiam Longobardi, Angliam Saxones.

habent, quod Timar vocatur, hinc in Hungaria pradi-
les audiunt, præstare etiam servitia militaria tenen-
tur, sed desunt essentialia (§. 3.) & longe Feudis noviora.
4) vel a Iaponensibus *vid. Struv. in Synag. J. F. c. 1.
apb. 3. n. 2.* In hisce enim vel deest dominium directum
& utile, vel fidelitas vasallitica, vel confunditur nexus
subjectionis cum feudali, vel plane conficta sunt, immo
cum efformarentur Feuda, plura Francis fuerunt in-
cognita, quæ recensuimus.

§. XIII.

Majorem adplausum illi meruerunt olim, qui a Roma-
nis Feuda derivarunt, qui tamen in diversa plane
iterum abierunt. Alii nempe 5) ad Clientelas provocant,
hinc etiam jus F. clientelare vocant. Sed plane in his cli-
entelis nihil reperio quod cum Feudis convenientiam
haberet; Patronus namque nihil Clienti debet sed hic
potius illis xenia & honoraria offerebat, cum in Feudis
a Domino concederetur Vasallo dominium utile. Client
Patrono nec honoraria nec militaria aut judicialia offi-
cia præstabat, nec obligatione quadam fidelitatis erat ob-
strictus, quamquam Patrono reverentiam, ob præstitam
defensionem exhiberet, hinc plane in hisce desunt feu-
dorum essentialia. Idem dicendum est de illis qui 6)
ad foedera inæqualia provocant nec 7) Militiæ Romanæ
in censum venire possunt quippe pro his dabatur stipen-
dium in pecunia numerata consistens multo minus 8)
Romanorum coloni cum Vasallis sunt comparandi, quip-
pe qui potius glebæ adscripti erant, aut 9) homines aut
acto-

actores qui pars familiæ, & aliorum bonorum administratores erant *L. 2. C. de Episcop. & Cler.* Imo 10) prædia stipendiaria aut 11) limitaneorum cum feudis non conveniunt quippe subjectionis nexum potius quam Vassalliticum in illis reperire possumus, dabuntur etiam potius pro officio jam præstito, feuda vero pro officiis in posterum præstandis *Böhmer J. Eccles. L. 3. tit. 20. §. 3.* nec illis calculum addo qui 12) ad agros Vestigiales provocant, licet enim adsit divisio domini directi & utilis, deest tamen obligatio Vassallitica, præstatum saltem canon, & longe alium ac Feuda finem habent. *add. c. 2. ff. si ager vestigial.* Accedit, quod Germani & Romani hostes fuerint, hinc probabile non est quod mores horum adeo adamaverint, si luxum excipias, Germani.

§. XIV.

Alii ad Græcos recurrunt & 13.) Feuda inveniunt in prædiis Græcorum de quibus vide *5. F. 16.* Sed quia pleno jure ad milites pertinerent & præter officia militaria reliqua feudalia (§. 8.) cessarent hinc & certo modo alienari poterant, plane feudorum essentialia in eis desidero. Restant 14.) Comites principum de quibus *Tac. M. G. c. 13.* in his seminarium feudorum quærit *B. G. Servu. Jpr. F. c. I. §. 3. in notis*, consentit *Spener in Obferv. Hist. Feud. Obf. I. §. 5. ibique in nota. a)* immo latius progreditur & ipsa Feuda exinde demonstrare conatur, Sed tota ejus demonstratio possibilitatibus niuitur, a quibus ad esse nunquam firme concludatur, hinc quia es-

sententia feudorum absunt, pro feudis non habeo, ejusmodi tamen instituta feudis occasionem dedisse non prorsus abnuo, imprimis si cum laudato *Spenero c. l. 3.* distinguere velis principia, vestigia & origines Feudorum.

§. XV.

Ab initio feuda vocabantur beneficia 1. *F. l. 6. 2. 2. F. 34. 2. vid. §. 3. not. e.* Honores, militiæ, *vid. du Fresne sub his vocibus*, donec feudi vocabulum usus recipiebatur. Sed hoc valde dubium quando hoc vocabulum in scriptis publicis sit adhibitum, alii provocant ad tempora Caroli Crassi ob satis notam istam constitutionem quam exhibet *Lebmann Chron. Spir. L. 2. c. 42. vid. Ant. Dominici de prerogativ. Alod. c. 15.* quam tamen ut suspectam rejecit *Thomassius aliique in Dissert. de lib. veteris de beneficio. aut. sat. versu. §. 15. §. 77. citati.* Nos ita sentimus; vocabulum feudiel germanicum (§. 2) hinc semper germanis cognitum fuit, Quanquam igitur sub initio feudorum haud frequenter occurrat in diplomatis. aliisque scriptis (§. 3) non statim tamen antiqua scriptura, hanc vocem habentia, sunt suspecta. Hinc & *B. G. Strub. Ipr. F. cap. 1. §. 6. ad Sec. IX.* refert, licet in reliquis cum *Thomasio* faciat. Ad hanc assertionem colorandam provocat ad Testamentum *Alfredi Anglorum Regis* quod obit anno 900, teste *Spelmanno in ejus vita L. 3. p. 169.*

§. XVI.

§. XVI.

Hisce deinde opponebatur Allodium de cujus denominatione varias opiniones doctissimorum virorum congeffit *B. G. Struv. in Allodiis Imp. c. 1. §. 3.* Nobis placet eorum opinio qui vel ab all vel alt & Od derivant. Opinio & hæc nobis suborta est, annon idem sit ac Ahnen Od, hoc est possessio a majoribus ad nos delata, & quidem sequentibus ex rationibus 1) quia in antiquis LL. terra avita vel aviatica dicitur (§. 7.) 2) olim proprietas ab allode distinguebatur, proprietas autem comprehendebat noviter adquisita *vid. B. G. Struvii Hist. Juris c. 8. §. 1. Glossa Land-R. Lib. 3. art. 39. §. 2.* Ein zins Gut ist weder eigen Erbe noch Lehn & apud *Datt. L. 1. c. 1. n. 37.* in privilegio Francofurtens. das niemand die Bürger zu Frankfurt heissen soll um Gut/ Lehn und Eigen. & in antiquis monumentis passim.

§. XVII.

Ius Feudale est lex a superiore lata obligans Dominum directum & Vassallum circa negotio feudalialia. Feudalis consuetudo est obligatio ex frequentia actuum feudalium inter Dominum directum & Vassallum agitatorum & in contradictorio judicio firmatorum (in Saxonia ex præscriptione XXXI. annorum 6. Sept. & 3. dier. corroboratorum) tacita superioris voluntate introducta.

§. XIX.

Duplex Jus feudale reperitur, aliud pertinet ad fenda

da nobilia p) sive majora sive minor, aliud ad feuda plebeja, civium scil. & rusticorum q) utriusque in sequentibus exponere naturam miens est.

§. XIX.

Origo juris feudalis non discrepat ab origine Feudorum. Jus enim rerum, inquit *Thomasius in Sel. cap. Hist. §. F. G. §. 2.* uti nec sine rebus, ita nec ante res existit. Nam pacta ista inter Dominum & Vassallum inita ut leges procul dubio observanda erant, ex quibus deinde consuetudines feudales ortum traxerunt. Deinde & reges ipsi leges feudales edidere. Ita *Baluzius T. 1. p. 182.* exhibet constitutionem Pipini, p. 494. Caroli Magni

p) Ad primam I. Feudalis classem pertinent ea quæ habet *Spec. Sax. L. 1. art. 3.* und als die Christenheit in der Siebenden Welt keine bescheidene Zeit weiß wie lange sie stehen soll, also weiß man auch nicht an dem Siebenden Schild, ob der Lehn oder Heerschildes recht haben möge. *I. F. Allem. c. 1. §. 2.* addit die Könige hat es also gleichwer mit den Siebenden Heerschilden zu runde habe der soll Lehn-Rechts darben. Hinc & dispositio *A. P. de Beneficiis §. 4.* Clerici, mulieres RVSTICI & MERCATORES &c. & omnes qui non sunt ex homine militari ex parte patris eorum & avi jure carent beneficiis. Nam si hæc in genere ita æstimentur de omni jure feudali multa obfarda inde promanarent, quæ vide in *diff. nostra de Feudo urbano §. 17. ibique in notis.*

q) Hoc explicat *A. P. de Benef. sub rubrica feudi Urbani, & §. Feud. Sax. c. 72.* Quodsi igitur hæc distinctio observetur multa vitari possunt, de quibus laborant DD.

Magni prostant LL. feudales & Ludovici Pii &c. Nec dubito etiam antiquiores leges feudales existisse quarum vestigia hinc inde reperiuntur. Ita in antiquis LL. *Ba-juv.* multa disponuntur de iis qui sunt de genere ducali *Tit. 2. cap. 20. pr. edit. Lindenbrogiana* item quod dux debeat esse de genere Agilolfingorum qui fidelis esset regi *ib. c. 20. §. 3. adde & Fragm. Ann. Franc. ad ann. 787.* Et dolendum quod ab initio Franci non historicos habuerint, hinc eorum historia multis in rebus est intricata.

§. XX.

Hos infecuti sunt reliqui Imperatores Germanorum, quorum catalogum ex ipsis LL. Feudorum Longobardicis recenset *Cocc. Hyp. J. P. tit. 1. §. 10. & B. G. Struv. in Jurisp. F. c. 3. §. 2.* Sed hi omnes non integrum Systema aut connectentem compilationem tentarunt sed LL. sigillatim, prout ratio temporum atque vasallorum mores exigere, sanxerunt r).

§. XXI.

Deinde prodierunt variae LLgum æque ac consuetudinum Feudalium collectiones, privatae tamen, & Legislatoria potestate destitutæ. Sed quænam antiquissima

r) Putat equidem cum aliis *Struvius in synagm. J. F. aph. J. c. 1. n. 2.* Fridericum I. ejusmodi compilationem procurasse, quam credunt eam esse, quæ sub titulo consuetudinum feudalium corpori nostro Juris adhæret, sequentibus ex rationibus 1) quia *Ranovius l. 2. c. 7. ad-*

firma sit satis dubium redditur. Quilibet suo indulget adfectu. *Thomasius A. Veteris de Beneficiis* primus editor hunc pro antiquissimo habet 1) *Schilter qui J. F. Allemannicum* ab injuriis tinearum atque blattarum vindicavit,

serit, quod feudorum LL. promulgaverit, quia pene omnes beneficiorum iustitiam in injustitiam converterit, et ad illud pulatur *Orto de S. Blasio c. 14. Guntherus in Ligurino L. 3. v. 550.* Sed omnes de compilatione quadam tacent, & LL. quas commemorant vide 2. *F. 27. 33. 35. 36.* nec obstat 1) quod consules Mediolanenses Gerhardus Niger & Obertus de Orto circa tempora Friderici fluerint, nam & hi perperam habentur pro auctoribus compilationis jam dictae, de qua re paullo post agemus (§. 22.)

- 2) argumenta sunt sequentia, quae vide in *Diff. de liberi V. de B. Auctore, Fatio Venustate, §. 12. 399.* Primo ex collatione hujus libelli cum J. F. Saxónico & Allemannico adparere putat, quod compilatores horum jurium, libellum istum, transulerint in idioma Germanicum, sed servata libertate, ubicunque libuerit multa inferendi. Quamquam igitur in comperto habeam quod omnia, quae in hoc libello contineantur, etiam in J. F. Sax. & Allemannico legi possint, tamen eadem facilitate argumentatione Thomasi inverfa colligere possim quod horum iurium fuerit epitomator, atque metaphrastes, saepenumero tamen latis incomtus & horridus. Secundo quae ex voce feudi colligit §. 14. ipse dubia reddit §. 22. & a nobis jam dubia supra (§. 15.) sunt reddita, Majus robur accerere tertio videtur ex §. 34. quod Conradus II. statuerit fratres aequaliter succedere debere, quod Auctor Verus negare videatur. §. 76. sed multa haec desidero 1) si vera sunt quae proponuntur 1. *F. 1. §. 1. & 2.* saltem obtinuerunt

vit, hoc pro antiquissimo habet 1) Saxonum sane jus Feudale pro antiquissima habetur collectione in Germania 2).

§. XXII.

Jus Feudale Longobardicum quod tanquam subsidiarium cum l. Rom. in foris nostris habemus, collectum videtur ab Anonymo, quem Hugolinum Jct. Bononinens. credunt nonnulli. Collectum est non solum ex Gerardi Nigri s. Capegisti, sed & Oberti de Otto scriptis ut & ex Constitutionibus Imperatorum scil. Conradi II. 1. F. 1. 2. Henrici III. 2. F. 57. Lotharii II. 1. F. 19. 2. F. 52. Conradi III. 2. F. 40. Friedrici I. (S. 20. not. r.) Addidit hinc inde & suam opinionem compilator 2. F. 46. 47. 51. imo & aliorum imprimis Philiberti Episcopi Carnotensis, qui ineunte Sec. XI. vixit. 2. F. 6. adde c. 18. C. 22 qu. 1. An vero hæc compilatio auctoritate Friderici II. fuerit

C 2

suscepta

in Italia nequitiam in Germania ratione feudorum majorum saltem, uti plenius alibi demonstrabo. 2) totus textus A. V. de beneficiis § 6. nil lucis adfert opinioni Thomasiæ quippe commodissime interpretari potest de procuratore feudi ob verba: *feudum arbitrio sui &c.*

1) Putat scil. a Carolo M. esse confectum in *prefat.* ad cit. J. F. A. §. 1. sed huic opinioni dicam scripsit B. G. Serenus in H. Juris c. 1. §. 16. additque exinde probari posse hoc jus Saxonicum novius esse, quia illud sæpius provocet ad Jus Justiniani, a quo tamen hoc abhorreat.

2) Historiam totam hujus juris Feudalis diligenter excussit Ludovicus in *prefat.* ad illud. Putat Thomaf. in *Sel. Fud.* §. 39. & 60. Auctorem hujus juris eundem esse cum Auctore Speculi Saxonici scil. Epkonem de Repko, quam

suscepta, dubium satis est? Nam si hæc vera essent, procul dubio Juris scripti species esset, quod tamen negant strenue, qui quæstionem nihiloscus adfirmant. (x)

XXIII.

HOc Jus sensim cum J. Rom. in foris academiisque Germanicis introductum videtur ineunte Sec. XV. B. G. Struv. *lpr. Feud. c. 3. §. 8.* Continet Capitula ordinaria atque Extraordinaria, illa continentur in duobus libris prioribus usque *tit. 58.* inclusive, hæc vero incipiunt a *tit. 73.* qui proximus est post *tit. 58.* usque ad finem Lib. 5. Hæc capitula extraordinaria nil probant nec recepta in foris conspiciuntur, addita sunt a Cujacio, qui quinque libros feudorum fecit, dum alterum vulgatæ librum, in tres dispescuit, tertium orsus a *tit. 23.* quartum a *tit. 25.* Cujusque libri titulos secuit eorumque numerum auxit, addidit L. 5. ex variis Constit. Imp. Omisit *tit. 52.* & quinque sequentes & reiecit in *libr. V.* Vius fori saltem agnoscit duos libros & contraxit iterum titulos

opinionem etiam amplexus est B. G. Struv. *Juripr. F. c. 3. §. 4.*

- x) Provocant imprimis quod Gobel. *Persona* dicat *Cormodr. art. VI. c. 64.* Fridericus II. fecit quendam librum de feudis. Sed locus hicce, satis obscurus est an loquatur de nova feudalium LL. confectio, aut earum compilatione, aut denique de confectarum ab aliis confirmatione. Deinde Gobelinus persona scriptor est novus, cujus testimonium hac in re non omni exceptione majus videtur. *vid. Thomaf. Select. cap. §. 65.*

titulos quos Cujacius secuit, hinc hiatus inter *tit.* 2. & 58. & 73. *Corr. hyp. I.* F. tit. 1. §. 8. & 9.

§. XXIV.

Hoc Jus F. Longobardicum apud Italos mixtum fuit, partim ad Jus scriptum partim ad jus non scriptum referendum erat. Quatenus scil. constat ex Constitutionibus Imperatorum, scriptum est, quatenus vero ex usu fori, ad consuetudines referendum. In Germania tamen ad Jura scripta referre nullus dubito, hac ex ratione, quia publica auctoritate in scriptis est receptum.)

§. XXV.

- 1) Omnes ferme Dd. ad Consuetudinarium referunt, ex diversis rationibus. Scio optime quod consuetudo in scripturam a privato redacta maneat Jus non scriptum, sed hæc ad Jus F. non quadrant 1) quia continet Constitutiones Imp. 2) quia quatenus in scripturam redactum est in foris receptum & quidem 3) publica auctoritate. Nam si hæc receptio non Jus scriptum efficit, nec J. Rom. aut Canonicum est Jus scriptum, quia Imp. Rom. aut Pontificis sanctiones nos non obligant, sed valet apud nos ex receptione; siigitur receptio libera non facit ius scriptum, Jura iam laudata sunt consuetudines. addo *differt. nostram de J. Scripto & non scripto antiquitat. rest.* ubi ad Jus scriptum etiam scripturam requirimus. Alia questio est an sit referendum ad Jura Civilia, Affirmat *Horn. Ipr.* F. c. 1. §. 6. negat B.

§. XXV.

Mincuccius de Prato veteri JCrus Bononiensis hoc Jus Longobardicum in VI. libros digessit, melioremque ordinem tentavit, primum a Schiltero est editus, atque prostat in Schilteri J. Feudali Alemannico. Jussu quidem Friederici III. *restante Cuspiniano*, hunc laborem suscepit Mincuccius, sed quod confirmatus sit nullibi prostat. Bartholomæus Baraterius æqualem laborem suscepit, sed horum labor parum utilitatis adfert Jurisprudentiæ feudali, interdum tamen in textibus obscuris consuli possunt.

§. XXVI

Jus Feudale Saxonicum atque Suevicum continet harum Gentium mores, qui a privato sunt litteris consignati, hinc quatenus hodie probari possunt eatenus & hodie valent. Jus, F. Longobardicum enim saltem est subsidium (§.12.) hinc mores patrios non plane aboluit *Sernv. Synagm. J. F. c. 1. §. 1. dissentit Schilter §. 3. &*
18. in

G. Sernv. Ipr. F. c. 1. §. 1. refertque ad Jus Gentium particulare. Jus Gentium particulare autem & Jus Civile sunt affines si plane non sunt synonyma; Igitur refero ad Jus Civile quatenus singulorum utilitatem concernit, & Publico Juri oppositur arg. §. ult. J. de Just. & Jur.

18. in comment. ad præf. J. F. Al. *Thomasius Sel. Feud. § 70. 72. & plures.*

§. XXVII.

In decidendis igitur controversiis feudalibus ante omnia inspiciendæ sunt investiturarum litteræ, & si hæc discrepant prioribus credendum, quia mutatio non præsumitur sed probanda; Nam regulariter litteræ posteriores eundem tenorem habent cum reliquis. Si hæc causam non decidunt, recurritur imprimis in Feudis illustrium, ad pacta gentilia, atque confraternitatis. Hisce deficientibus respiciendæ sunt inter illustres LL. fundamentales Imperii, inter privatos vero consuetudines ac jura feudorum provincialia. Si aliud jus obtinet in loco contractus, aliud in loco ubi res sita est, in realibus actionibus jus rei sitæ, in personalibus jus loci contractus procul dubio observatur, ex regulis Juris Communis, nisi aliud expresse pactum, quo redit tota disputatio *B. G. Struv. J. F. c. 3. § 16.* Patriis juribus ac propriis pactis deficientibus evolvitur J. F. Longobardicum, neque hoc causam dicente progredimur ad jus Canonicum, quippe quod 1) diu ante J. Rom. in Germania fuit receptum 2) sub æquitatis specie diu se commendavit 3) multa de feudis disponit, tandem progredimur ad jus Civile 2) Ro-

D

ma-

2) disputatur an in causa Civili allegari possit Jus feudale, si civile deficiat? Negat quæstionem *B. G. Struv. c. 3. §. 17. Struv. in Synagm. J. F. c. 1. aph. 14. Lynker in d-*

manum quatenus in uno quodam tertio analogia demonstrari potest v. g. in F. emphyreutico, restitutionibus &c. & hisce omnibus deficientibus ad Jus Naturale.

§. XXVIII.

Interpretatio in hoc jure eadem est quæ in LL. aliis.
 122) Modo circa diversas, quæ sæpenumero recensentur a compilatore opiniones, hoc observetur, quod nec prima nec ultima semper genuina sit sed quæ analogiam juris proxime tangit. *Cocc. Hyp. §.*

F. tit. I. §. 14.

nat. ibid. Affirmare videtur quæstionem *Finckelst. Diss. 1. ib. §. 9.* in testem vocatus a *Cocc. Hyp. §. F. tit. I. §. II.* revera tamen facit cum prioribus, quia quatenus idem dicit quod recta ratio dicitur, eatenus J. F. allegationem in civilibus admittit, in reliquis vero dissentit. Hinc dico ubi Jus civile nil disponit in rebus non feudalibus, omnino feudale Jus, si ex ratione recta res non potest decideri, in subsidium est vocandum, exempla sunt in jure protomifeos, item in matrimonio ad morganaticam. Liberi enim ex tali matrimonio procreati pessime confunduntur vel æquiparantur cum liberis naturalibus 2. *F. 29.*
 223) cave tamen ne in errorem vulgarem incidas ac esse Jus F. ex Civili restringendum aut corrigendum, quatenus ab eo discrepet. Id quod & de statutis adferunt Dd. Nam hæc erronea hypothesis vel exinde convellitur, quia omnes LL. ex mente legislatoris sunt interpretandæ, quod si igitur ex vulgari opinione restringitur lex, non mens legis exponitur, sed præjudicium auctoritatis inculcatur.